

鮑翁家藏集卷第十二

詩四十五首

送馮佩之副使江西提學

天上朝辭玉陛行
杏花開處動雙旌
秋臺高薦皆公議
春榜重懸滿後生
江右儒風當復盛
越中文士莫相輕
長安門外期重
昇為報三年學政成

送賀澤民赴河南僉事

御史才名闕下知
外臺欲赴類分司
豸衣未敝何須改
螭墨當
坳尚不移南浦吟
成芳草色曲江過
盡杏花時諍臣自古關休
戚漢使行將召望之

謝孫希說送長鳴鷄

何物襍褻白錦毛
庭前解縛便長號
徒聞野鷺令人愛
未許蒼



蠅代爾勞技距群來如赴敵我冠獨立自分曹夜深風雨偏安
枕舖餒從今謝子教

送賀其厚迎其弟解元其榮喪南歸

臨別匆匆把客裳愛君誰比四明狂只從門外看扶柩有信詩
中訊閱牆諸子讀書應不廢故人沿路定相將明朝我更成寥
落西館塵生六尺牀

次韻施煥伯下第

禮闈難遣獨離群老手春來最惜君暫向長途聊弛擔倘逢知
已更論文客樓高臥三竿日禁闈遙瞻五色雲為語施雝宜少
待韋編終不負精勤

觀園翁種菜

園居無所營筋力徒自強惜哉一畝地愧爾三年荒清晨老圃

至鋤治循東墻札札瓦礫除奚顧宿草傷壘土成數

與疆土爰布美種能風要深藏因感昔人語種植信有方

種則耐風此漢趙過語也日夕度墉行依然自褰裳流泉俯可挹長溝設隄

防所恨天久旱井泥渾且黃安能足灌溉頓使萊甲長人力已
云至天時亦相妨緣知田野外黃沙正茫茫何如但肉食此勞
不須嘗

玉延亭成次韻玉汝

偶栽山藥得佳名墻下幽亭一日成車馬勒回無俗士壺觴鎮
倒盡平生升階脫履長頭近倚檻觀書老眼明此後來游誰復
障繞籬須為惜殘英

又次韻李賓之

靈苗種後亭初築匠石園丁共玉成聊復棲遲稱小隱不應服

食學長生盤中便可少首荷階下休誇有決明欲向楮間乞題
字墨雲飛動看英英

次韻諸友王延亭聯句

樓高未許臥陳登聊結荒亭補客并坐定園花紅雨斷望迷春
樹綠雲層墻低漸覺簫聲近杯淺休嫌酒面澄願得鵲詩成故
事西菴入夜更挑燈

飲王延亭喜雨

園門新設不曾關天意能供半日閒
東雨一番驚屋漏晴虹千丈比橋彎
巢翻荷葉詩人句紅綻榴花醉客顏
賴有冷泉娛晚酌籬根流出更潺潺

寄壽陳起東五十

束髮同游不出鄉廿年兩別費相望
江山繞郭供詩筆歲月留

人坐講堂紅頰也應誇獨好白鬚休更較誰長要知久客京華
者壽域躋來已鴈行

賦園亭四物

堯

楹間設席坐來安橫木旁施當曲闌面面不妨閒徙倚曉涼疎
雨最宜看

翳

槐花暗落雨聲中
簞笥高撐兩翼同意泛扁舟
過木瀆青山綠岸正推蓬

屏

小紅疎翠不遮亭
炎日西行藉紙屏
陰雨暫時誰許撒
更多游客要題名

橋

移得詩中文八溝兩餘新碧水初浮晚來客醉高眠處莫訝孫
郎不枕流

送沈尚寶賀千秋節還南京

琅函遙捧望儀宸六月樓船度海津早歲喜逢三日雨好官間
避十年塵桃花滿種玄都觀柳色重迎瑣闥人莫歎世情今尚
在南歸須為問江神

次韻沈時暘兩後過飲園亭兼懷李貞伯二首

農家苦久旱嗷嗷三伏中異哉暑氣酷宛與災方同夜眠聞好
雨早起乘涼風吾亭適麤麤就歡聲助園翁簿書懷杜老笠屐來
蘇公願從康衢民擊壤歌時雍故人五年別舉杯賀奇逢俯井
挹澹泉登臺眺危峰天高孤雲落晚晴度冥鴻

四海人亦多吾生交獨寡有時忽仰歎浩氣振屋瓦窮巷謝逢
迎荒園任疎野欲從獨樂翁往赴耆英社長日無所營新秋更
清暇雞黍不滿盤醴酒仍在罍却枉知友來冒雨獨騎馬因懷
西臺李去弔長沙賈封書白門邊弭節蒼梧下

貞伯官南京以公事出嘗有書

來云直至蒼梧而返

再次韻答時暘飲後見貽

散吏幸無事合置荒園中著書忘其詞安復論異同墻下棗垂
實颯然起秋風感時忽搔首五十真衰翁投牒愧一出束帶隨
三公晨趨揖東閣夜夢游南雍鄉使來吳下入門偶相逢中懷
不能語倚壁如頽峰南飛孰可繫仰見青天鴻

淙淙簷溜垂此事久亦寡移書防漏濕矮屋初墮瓦久旱雨固
好墊溺念郊野况復南樓人百步隔詩社清池下幽禽坐對共

閒暇妙墨尚在函濁醪復盈罍持此欲就之泥深沒羸馬踈慵
幸免朝早謝鳳池賈風低碧篠叢叢悵望西窗下

喜原輝弟至京

時五月二日

遠道親携藥裹來當門下馬拂黃埃不驚舊日形容改猶記前
宵夢寐回出巷親朋宜漸訪上牀兒子欲相陪平生四海尤憐
汝得向窗間笑口開

大雨坐海月菴

即看池面水平橋旋覺孤亭勢欲漂老父得魚過別市誰家移
竹趁明朝四陵下馬應難避時世賢陪祀山陵北巷將書莫見招玉汝招飲
吾弟遠來能慰我彭城今夜憶逍遙

玉汝以予辭不赴次韻再約來日復和辭之

道上蹄涔接板橋詩筒將去却愁漂縱橫燕市雲為雨彷彿巫

宴

山暮復朝半舫若子宜自繫尺書仍至故相招泥深我僕難忘
蹶莫使前瞻馬尾遙

玉汝復次韻來速乃許赴再和答之

佳時已過鵲成橋孤米榆錢忽亂漂明月避人應此夜烈風欺
客更崇朝須知木屐平生看敢負皮冠舊日招終勝李侯躡馬
背披蓑兀兀路遙遙

赴飲後夜坐對月復次韻

誰從天上作飛橋萬里端愁月浪漂一雨步來非十夜五更起
坐不論朝水浮北巷深宜揭人隔西河近可招後會共期秋半
勝三旬屈指尚嫌遙

次韻朱天昭戒飲

早覺平生一事非枯喉涓滴到應微舊傳丙吉車茵汚今見陳

遵井轄稀三爵不妨從監史百壺真念隔庭幃却愁孤館當寒夜禦冷憑誰製寢衣

次韻濟之謝送決明

畦間香霧正氤氳童子清晨荷鍾勤不惜離披垂翠羽端愁搖動落黃雲藥名早得宣公註書帶休從鄭老分病日向來俱有賴涼風吹汝莫紛紛

次韻時暘對雨喜晴二首

颯颯復霏霏清晨坐掩扉短籬垂豆角破壁上苔衣潤覺琴聲緩涼驚酒力微客樓詩句滿未許沈郎肥

斷虹連返照向晚喜新晴遠市浮埃盡長溝積水清歌謠童子事刈穫野人情身在幽燕地無勞賦北征

送原已赴南京院判

晨趨入禁闥夜遊鄉關屢見高堂人宛然兩眉彎憂來心如割歸計何其難終感聖恩渥不為臣情慳南都許便養簡任非投閒十年積憂懷一朝變歡顏而我復助喜安能復留攀初冬入吳境遠見陽華山舟中坐念之豈亦夢寐間里巷爭歎息樂哉此南還

題啓南寫游虎丘圖

啓南初游靈巖遇雨明日既霽乃與海虞周景新游虎丘因寫此圖并有詩記其事李貞伯云是日亦在陽山遇雨而歸陳永之謂雨霽日獨以事在陽抱山恨不能與啓南同樂也皆有詩題其上景新寄予和之

雲巖不減靈巖好虎丘又名靈巖昨者胡為涉行潦千人石上兩青鞵日出深林歌杲杲一時取樂能償勞水西山北爭探討澗泉漱齒心亦清石罅題名手親掃西去陽山十里遙冒雨有人歸不早明朝見話入雲巖扼掣捋須空懊惱好山不趁晴時游此事

已差何足道安知猶有獨游人隔水相望在陽抱何處移來此
畫圖我方起觀俄絕倒詩情畫意各有在歲月依然仍可考虫
雞得失不須爭泡影死生難自保永歎再到京華住六年匏翁
頭顱欲全皓江南歸計有時成次第山行非草草臥游且把畫
圖開鶴澗松菴亦天造翻嫌二客不能從回望周郎與東老

送張宗茂道紀南還

身隱吳門五十年玉京來往只翛然東華塵土霞裳外北斗光
芒寶劍前猶喜山林通雨露亦知官府足神僊飈車又逐天風
轉俯視千艘滯海壖

賦酒榼慶向菊處七十

無稜非觚有蓋如竈重或可以擊空不可以送是名曰榼人所
常用維榼之腹容無百斛維榼之口出酒千斗酒旨且多洋洋

如河汝不化烏有我肯游無何飲之既醉拍手歌酒數行歌未
已笑鴟夷老無齒一生只呷三江水不如吾常隱吳市閒與主
人較年紀賀客上堂連坐滿榻凭彼藥囊賦此酒榼

送張兼素出知施宗州

歲暮移家赴遠州南行誰復為身謀一章之死無他悔六詔平
生亦勝游科甲翻令吾輩重史編應向古人求都門持此聊相
贈不惜寒風透敝裘

分題豐樂亭送文宗儒太僕

何處亭成樂歲豐瑯琊山在亂雲中西南林壑誇尤美六一文
詞信獨工幽谷泉鳴琴操古石屏路轉酒船通幸當歸馬滁陽
日此地來游興不空

送原輝南還 九月二日

清秋欲盡向南旋別淚何堪重泫然吾已行年當五十汝今歸
路又三千亦知禁酒勝良藥好為修書附使船舊業東城勞暮
理相期歲晚在園田

原輝行後晚坐有懷

東望秋雲壓柁樓晚來水宿定通州却愁細雨行裝濕還恨深
溝送騎畱臨別題詩偏覺嬾坐來呼酒不忘憂惟應後夜生新
月兩地悠悠照白頭

冬至謁陵八首

出土城

馬上衝寒出北門豁然平曠識乾坤地連周周民猶小天作燕
山勢獨尊看月未忘黃土寺往歲嘗宿寺中披煙仍見白浮村百官今
節長來此籩豆如流總駭奔

地理

度沙河

橋下流漸玉一灣六年重此照衰顏疎林小店行厨到落日
原獵騎還韋杜南連多白草居庸北距盡蒼山天寒喜報王師
轉驛路無塵羽檄閒

望昌平

脫轡能凌千丈岡解裘還耐北風涼迢迢古道餘秋水漠漠平
疇又早霜日隱峰巒天易暝樹連城郭路何長孤雲飛處梁公
廟猶似當時望太行

入昌平學舍

繞簷蒼翠數峰齊倦坐空堂意已躋高處川原渾歷歷曠時風
日稍淒淒行來假館先思睡詩就還家各有齋首宿滿盤供飯
足坡翁休愛搗香糝

地理

題劉諫議祠

凜然毛髮萬言危歎息名賢遠莫追甘露翻成他日變清流
受北司唾古人為鑑無如子後輩登科又屬誰深夜高眠頻夢
見孤峰殘月照新祠
門傍高槐向晚開忠魂長繞故鄉來諸生入學供蘋藻使者停
車治草萊展卷不平新史贊贈官空繫後人哀千年遺恨應難
盡誰念唐家有禍胎

入西陵

句裏青山笑復來畫屏真愛四圍開南循古路凡千折西上高
陵第一回前此陪祀俱東陵賦雪不勞重授簡書雲還擬更登堂天漢
亂躡支機石謾說昆明有劫灰

出昌平

晴旭熏人屬仲冬茆簷誰識煖如烘冰花細結重溪石大箇遙
傳萬壑松此日清酣除酒禁諸公太瘦帶詩容來春裴茗應非
晚最愛池泉歎九龍

為白郎中題荷花鵝圖

前朝畫學人如市不獨丹青競山水點朱塗粉擅寫生花鳥紛
紛總良史趙昌名與黃筌齊後來更稱崔子西御府收藏三百
軸未數溪鷗兼野雞文縑如冰筆如刷似向崔家傳妙訣晴窗
信手恣臨摸水面鵝成亦精絕群魚出游意不閒一躍欲過疎
柳灣翠荇蕩搖金掌底雪毛灑落清波間晚涼莫把荷花摘回
首驚猜還歛蹟紅衣翠蓋錦雲稠此物為爾增顏色戶曹何從
購得來公退閉門時展開城南矮屋撐欲破家人一笑皆云哈
世間妙筆真難致持去莫教成故事試看書罷便籠回只換義

之五千字想公聞此當撚鬚秋風高興非尊鱸養鵝老向江南
住須是結茅臨瀟湖

匏翁家藏集卷第十三

詩四十九首

乙丑元旦星變下詔求言二首

午門黃繖忽高張御墨開來祗數行從此諫官間不得案頭多
製上書囊

詔旨分明近可聽千官拜舞出彤庭定從新歲多新政却認妖
星是瑞星

次韻施煥伯自制菜燈見送

龍菴翠主巧相連疑送春盤入夜筵園子看來猶恍若市人携
過已喧然肯將根抵埋泥土未許光華照木天賸有儒家風味
在買油聊費幾青錢

次韻啓南寫贈施煥伯范莊梓樹圖



行人墻下摩挲處重是范公親手培此日載將嘉樹賦清風長
傍義莊來空尋蟻穴難成夢免製犧尊豈不材須信畫家原有
意展圖如對北山萊

分題蔣山送屠侍丞

方山在其南破山在其北中維鬱然高失却兩山色昔人云龍
蟠信矣甚奇特神靈樂幽棲後世姓初易其陽築壇場
高帝始建國是時昭瑞應香霧俄四塞終然作陵園萬古奠南
極至今五色雲變化在頃刻迢迢太平堤高出如齊脊行人聊
層峰勢壓厚地側陟官喜南行拭目此親觀棘寺挂笏時公餘
幸開隙承其不負予終朝翠千尺

題墨竹贈邵楚雄行

柳州刺史詩猶在種柳何如種竹清便向滇南長孫子邵人須

繫使君名

二月晦日濟之邀看桃花四首

風將花信報來真不見花開只見塵却愛君家紅兩樹小園只
合號藏春

花氣歡人暖欲醺不須庭下舞紅裙諸公好盡杯中物春色三
分已二分

夕陽持酒酹花魂新柳疎疎總映門漸有狂風吹綠暗已無明
月上黃昏

兩株濃淡喜齊開句引詩人共看來縱使堦前都落盡幸無流
水只青苔

追和啓南癸卯元夕後過施煥伯飲

天上星河隔一簾夜寒詩骨避重簷大牀坐久頭相觸短紙題

多手自粘佳節已過燈火在當年合向畫圖添魚行橋下平生
路未老同游不待占

送仰給事進卿赴四川僉事

石城風月共襟期不負高名舊所推給舍官衙新改日朝廷言
路大開時西郊屢望雲行密東郡華傳水漲遲秋到扁舟三峽
穩想應甘雨逐分司

分題圮橋送張公實參議

行經下邳城試訪留侯事遺蹟今何存臨流漫相指侯也本韓
人天其界劉氏能擊沙中椎顧取圮下履何必壯梧人中心始
知耻舉足直受之匍匐更前跪欲為帝者師豈被老人使嗟當
羸秦時虐酷到經史兵書尤所禁搜索徧焚毀一編出袖中依
然先秦字乃知老人愚遠勝始皇智黃石聊託名老人亦人耳

避世能全身同時類黃綺維古多斯人過客勿疑此去之千年
餘為侯究終始始見滄海君終從赤松子

賓之學士以母病寬以弟喪俱在告敬蒙

東宮賜問賓之有詩紀事謹次韻

僂蹤每恨失同堂寬物與賓之同班侍講後陞官始分賜問深慚及右坊班近前
星仍遮直語溫他日尚無忘薰風又喜萱花茂苦雨偏傷棗萼
芳孤抱幽憂增感激晚來詩句為携將

關亡友陳起東詩畧

寥落江山寄一官惡懷中歲及多端猶瞻壽域遙持酒豈料書
幃已蓋棺坐上威儀直簡率句中風韻少酸寒晴窗遺墨斑斑
在淚灑瑶箋不忍看

輓鍾同御史

同景泰間以諫後東宮而死後贈大理丞

屹立丹墀犯逆鱗
臺端風采一時新
豸冠不倩旁人正
螭墨能將大計陳
試使剖心應為國
亦知緘口定全身
周君已死宗元逝
墓碣終當表直臣

為楊應寧題夏太卿墨竹

舍人好畫誰與儔
子美詩裏之劉侯
鳳池退食多清暇
每抱縑楮從人求
昨者開筵宴賓客
四壁彷彿橫滄州
酒酣指點到脩竹
數竿倒拂湘江秋
清風脩脩刷翠羽
孤鳳欲下中堂游
乃知夏卿妙筆墨
奇態縱橫纒頃刻
歛然令我走避之
仰面分明墮崖石
紛紛真質不可知
我意是竹皆堪詩
試看北地苦難得
此種數尺青垂垂
舍人好畫兼好奇
明日南行過九疑
扁舟夜靜月初出
想對楚人歌竹枝

送應寧雲南訪族

曲水當年翠幙新
看君曾探杏花春
愧無文贈張童子
喜有詩傳賈舍人
洛下未通黃犬信
滇南不祀碧雞神
卜居京口謀如定
晚歲扁舟尚可親

秋享致齋呈同館諸公

柴禁門深早散朝
步歸齋閣坐寥寥
日高宿霧渾如撲
秋至涼風不待招
河上圉人來浴馬
樹邊童子去承蜩
詩儂只在爐烟底
緜盡晴窗白雪謠

又懷翰林諸公

天
古樗當戶翠陰浮
畏暑時時候蓐收
人遠端如隔千里
日長何止度三秋
焚香合送清泉餅
酌酒休誇白玉舟
賴有大牀便午睡
只將幽夢繞瀛洲

答諸公見和

詩筒相送少沉浮入手雲箋次第收苑鳥亂歸初對晚井梧將
落又驚秋廟垣馳過天閑馬齋閣橫如野渡舟憂抱無緣從祀
事高丘南望是長洲

次韻程克勤抱病齋宿

嬾着朝衣侍禁門非關好睡只昏昏吏歸別院鷄聲起客去當
階馬蹟存展卷書魚常自拂倚牀壁虱未堪捫知君痛定還思
痛便腹空留百壯痕

又次韻夜坐

此夜金莖溫露涼誰家玉瑄弄清商河流屈曲東溟近星彩闌
干北斗長法駕出宮千騎整廟庭陳俎萬松香詩人抱病渾無
寐欲獻函風七月章

送儲考功靜夫

獨赴南都第一曹塵然風骨舊儒袍海鄉人物前朝盛春極
名此日高粉署品評多有暇蒸宸趨謁未勝勞平生為忝斯文
契雲路難留自羽毛

次韻胡彥超致仕留別

昔人早已歎賢勞十載何堪第六曹忽報兩涯秋水盛回看千
里白雲高遠途重負歸方釋巧宦爭馳戰敢鑿為想東陽名酒
熟和陶詩就合風騷

送沈良臣知歸德州

吳下傳經久得師名高黃榜副深期進身自惜凡三擢出守于
今又一麾親老定儲迎養祿官廉須立去思碑連科佳話鄉人
紀三沈賢名欲共馳茂茂科沈元知深州辛丑科沈林知
晉州甲辰科良臣俱長洲人同姓

秋日園居對雨

但聞人悲秋未聞人悲夏所以涼風生不如暑雨瀉何況風雨
交蕭蕭自深夜朝來御袂衣寒粟凜生騰淒然園林間物色已
可訝兩榆本朽材牽牛故憑藉引蔓何其長見汝易凋謝決明
顏色鮮獨立出其下籬落幸無求疎枝正相亞

晚晴

閱書短窗下陡覺雙眼明不知荒園中晚來雨初晴西墻閣夕
照晴光射東生海天一何高崛起虹蜺橫須臾歛去之天巧聊
戲呈憶昨延二子王汝原已劇談見鄉情憂懷為少散非藉宿酒清
却愁雨既甚飄風復相傾安能更致之共此林下行籬落滿秋
意菊枝已含英我自比陶潛人誰作王弘聊申再三約預訂重
九盟

為寧縣令蕭光甫題墨梅

老榦彎彎新榦直總是昆吾鑿鍊色枝頭忽被北風吹迸出疎
花成戲劇薄如蟬翼細蝶鬚敢與臘雪偏相敵雪也無香復易
消阻山背水俱無策花神冷笑不言功月下悠悠倚蒼壁狂游
不到綺陌間小隱時當野橋側平生高韻有誰知此種奇姿何
處得補之已逝叔雅亡人間久矣無清蹟詩人未補白華詩畫
家重倒金壺墨悠悠此意我所諳欲向蕭侯聊比德試看寧縣
九年官篋裏只餘花的士林傳玩等甘棠黃鶴樓中莫吹笛

送巫克莊知孟縣

霜落都門重此行長材聊復慰飢氓定期赤地連村熟試看黃
河繞郭清春院種花前令事秋闈攀桂昔年情中州不與長安
隔賸有人來達政聲

送表道官還南京朝天宮

九曲門深古洞天。冶城山色尚依然。重開紫府如三島。一着黃冠也十年。聊逐斯人游世路。更從何處領真僊。數間祠屋偏鄰近。好拂丹青護寶賢。

送道士羅永澄還住福濟觀

獨鶴翩翩下玉京。霜空無際趁秋晴。久爲玄學慚方士。親向僊班謁上卿。水岸曲通三島僻。夜壇頻禮七星明。榴皮繞壁題詩滿。歸與回僊又慶生。

送鄭仕信知大猶縣兼問訊王允達

州縣勞人歎獨賢。秋風換舵又南旋。浦江喬木渾無恙。庾嶺梅花却有緣。豈待新遷隨例得。更將遺愛與人傳。青巖山下經過地。爲謝閒居鳳沼僊。

次韻侍郎王公還南京留別二首

留務經心白髮新。從來學海更知津。入朝未叟尚書履。直閣曾垂學士紳。天上誥詞瞻湛露。郢中詩句和陽春。後生共有攀留意。不獨詞林滿故人。

秋水浮來畫舫新。南歸仍喜渡天津。未從江左誇王導。如向朝端見李紳。黃菊又逢燕地晚。青山偏愛秣陵春。陛辭却枉重瞳顧。應識青宮舊學人。

送王抑夫赴官陳畱

南都聽罷鹿鳴歌。坐覺悠悠歲月過。久矣長才淹上國。壯哉名縣隔南河。鄭莊此去須行水。趙過從來善種禾。能使流移皆復業。看君聲譽數車多。

送林朝信還廣西分韻得歲字

玉河凍不流。曉結冰花細。客館傷東堤。三旬喜畱滯。捧表被光

華開筵接親契抵任尚遲遲吳門度新歲

題啓南畫

閉戶蕭然亂雪中已無賓客晚堂空
梧獨據忘為我老筆能揮愛此公
却構石蘭臨絕澗開非屋卷秋風
十年別却西莊路歲暮相思白髮同

題元顧仲瑛玉山佳處卷後

卷已見仲瑛之孫御賢始得之上有陳基記文

神龍飛度石頭城一日吳門失顧榮
池上已亡金粟影仲瑛臨

史中不改玉山名故人斷簡重相授
內史高文孰與評基仕為內

史栩栩百年真夢境濠梁還見舊題
銘仲瑛後遷中都家于蘇

夢蝶

王汝席上詠物

橘

來從馬上郎猶帶洞庭霜香霧騰金
華清冰貯赤囊曾聞寫宜向醉中嘗
愛此非陳紫能畱客滿堂

新米飯

繞厨香飯歆初成吳下長腰舊有名
何事今年荒旱甚首餘猶自飽新粳

玉箸魚

天寒鑿破水晶宮貯向銀盤望若空
對案莫教容易食層冰指落念漁翁

濟之席上詠物

風菱

長腰如磬折入手訝中空歲晚懷佳
味五曾白傳同

銀杏

洞庭霜落後不數橋能黃把玩還長笑因懷阮籍狂

冬筍

錦棚秋後脫玉趾雪中過大嚼何須肉平生愛老坡

贈顧正科鑄還中都仲瑛五世孫

清晨持刺扣門投有客來從淮水頭吳下故家依二曲沛中遺
調習三侯閱人詩畫才情麗傳世衣冠仕路優欲盡尊前鄉土
話雪晴歸騎恨難留

悼李御史士常

紛紛餓草蔽河津不卹微軀欲徧巡驛騎書來俄即世轉車棺
在已周身道塗涕淚從諸弟文字交游失此人知是平生無別
好只將詩句哭元賓

謝濟之送銀杏

錯落朱提數百枚洞庭秋色滿盤堆霜餘亂摘連柑子雪重
煨有芋魁不用盛囊書復寫料非鑽核意無猜却愁佳惠終難
繼乞與山中幾樹栽

寒夜熟寐右臂偶加湯具成瘡痛甚不能舉移因讀邵
康節臂痛吟戲次其韻聊以遣悶耳

春滿寒衾擁瘦軀無端一痛折肱如為文曾效前修撰少時曾
作湯媪
傳作字俄遷左秘書禮謝擎拳情可如醫因掣肘病難除坐來
歲暮多憂色此苦誰非自取乎

匏翁家藏集卷第十四

詩四十七首

丙午郊祀齋居夜雨獨坐

時予以服不陪祀

春城閉重門夜館耿孤燭嘿坐方悄如柝聲遞相續擁衾未成
眠伴我只僮僕微雨恣飄揚寒花結群玉員丘歲有事大駕朝
出宿明當還法宮天意亦可卜清道少浮塵龍車爲膏輶郊南
只尺地宿麥芽已綠願言同發榮 皇恩被陰谷

次韻詹事楊公齋居兼憶其弟惟立二首

何處清齋三日東衙仰見重檐未忘解帶題字爲愛焚香下簾
俗子休云寂寞宿儒合處深巖月明望斷西野刺眼青山最尖
莫信瀛洲路遠相望只隔西東長溝碧瀉千丈密樹青含萬重
社老看雲未足謝家夢草應同早朝還跨高馬金闕將鳴曉鍾



魏明

上元日劉道亨家作同年會

共愛城西此會稀。退朝爭步出彤闈。好風入座物行酒。瑞雪當階故點衣。感推官爵慚未稱。諸公名節願相依。從今便作同年錄。每遇新春幸莫違。

同年會散夜赴濟之

九衢飛雪暗樓臺。走馬城西此夜回。只尺過門猶不入。尋常勸酒定相推。燈光四壁懸明月。鼓響千家殷海雷。宛有眉山風致在。清虛堂裏似重來。

為王惟顥題米友仁苕溪春曉圖

古今畫法凡幾變。顧陸以來皆有傳。紛紛衆史後。何多丹青點染徒。相綯澹然水墨誰。所為直以霜毫付星硯。謝家林下有清風。號國馬前還素面。閒情逸韻覺脩脩。豈似長安水邊見。只今

破紙蟬翼如一疋。猶勝好東絹。楚山清曉別有圖。當時曾入宣和殿。惜哉畫譜弃斯人。正坐涪翁黨。遭譴吁嗟此事亦區區。姓名得失何須辯。吳中故物存幾何。近歲人家豪奪徧。王郎乃獨保藏茲。寄我數回看不倦。水遠直從天目山。煙深莫辨烏程縣。恍然載我江南游。案頭喜有春雲便。

二月十二日濟之復邀看桃花和舊韻四首

去歲看來記得真。依然樹底踏香塵。東園舊羨花開早。屈指猶先廿日春。

紅粧半醉倚斜曛。細草同栽八幅裙。蜂蝶紛紛休共鬧。兩株香粉要平分。

花朝何事黯詩魂。下馬徘徊嬾入門。陌上徒歌歸緩緩。罇前難得醉昏昏。

春風次第要花開
試看園丁更種來
不用詩招熊少府
明年隨意坐蒼苔

送顧生伯謙應舉

南國重臨大比時
袖携書卷過門辭
洛京已受丁寬易
吳郡休云顧愷賢
父設施真是政
老夫投贈不成詩
少年雲路呈高
手未論秋風折桂枝

觀內閣芍藥

絲綸閣下幾枝紅
長許行看數步中
獨荷發生應近日
未容零落便隨風
品高已作詞林話
根老還收藥劑功
若向人家園裏種
倚闌安得致三公

追和元危太樸學士游石湖寶積寺

禪堂擁翠總雲岑
誤認天平萬石林
學士放歌來水曲
道人偏

松陰飲泉別澗多
溪鹿啄木空山或
野禽亦欲他年閒
柳繞湖風雨聽龍吟

送黃和仲入南雍

范公園裏重回頭
二十年前憶共游
壯歲始看登仕路
春風相見在皇州
橋門德業爭先進
貢院文章豈但收
獨恨南還畱未得
却憑飛絮繞行舟

酬吳元璧自黃州寄石子百枚

岷江東流幾千里
江頭纍纍多石子
黃州幸遇蘇長公
怪石得名從此始
浴江小兒信手探
戲與易之惟餅餌
自云智出兒之上
不知兒得從泥滓
兒爭啖餅飽而嬉
笑殺先生癡絕矣
亦知中有不癡在
作供分明立文字
當時若將餅餌供
餅餌有盡僧不喜
盆中五色粲如星
客來只費三升水
黃州通守古同宗
三

十年來况知已公退閉門無所為偶然興落江之涘遣人拾取
僅百枚寄我封題仍一紙開緘未畢便傾倒數顆猶藏布囊底
我家舊蓄漢銅槃用以盛之稱二美遂令菜圃汲寒泉頓覺雪
堂移矮几日長玩弄暑氣消信哉一段真奇事但嗟圓滑匪他
山漱處安能礪吾齒老狂自效坡僊徒置我胡為衲僧裏作詩
一笑賴誰知石也點頭云有理他時須更報瓊瑤莫怪匏翁不
知止便成後後怪石供傳世還將文字紀

玉河橋夜坐候朝二首

禁垣迢遞接僊橋歇馬長來候早朝薄霧不遮蓬島月急湍如
湧浙江潮天門燈燭晨光起陰洞衣裳暑氣消身在翠微宮裏
住倚闌誰弄玉人簫

白玉闌邊水氣通涼生高樹總含風河循碣石疑無底天轉牽

半望正中朝報不聞空羽檄宮僚祿見抵詩筒亦知夙夜成何

補丹宸勞多念

聖躬時禁朝拜而遠東有警

鄉僧來京師者多乞一詩而歸蓋皆舊識于山水間者

共十二首

智勲還洞庭興福寺

杖錫過京華西山即是家有時論日月隨處臥煙霞懷土情終
惡還鄉路亦賒春深俞隲裏應為問梅花

文懷住吳江法雲寺

見說湖心寺人須一葦杭水浮林屋近地限雪灘長挂衲投禪
杖緇經坐講堂邑人多好施應愛道風香

古梅住半塘永福寺

靈鷲山中一樹梅千年古意自西來暗香浮動今何處應向劉

公墩下開

員政住杭州虎跑寺

百花菴裏久栖禪竹樹蕭然野水邊欲洗北來塵土足扁舟直到虎跑泉

定佩住城東定慧寺

久從玄墓山中隱又向湖州市裏行浮世此身皆可託應同圓澤話三生

某住石湖寶積寺

碧山影落石湖心詩句從來最易尋為語山僧須管領他年吾欲載登臨

某還石湖治平寺

湖上何年開寶坊峭峰為壁樹為堂地高已與諸人近何處人間是上方

間是上方

宗全還七寶泉

細飲山根七寶泉北來還上五湖船大方游徧渾無滯佛法胸中已了然

永明還法華寺

吳西山水尤佳處舊有蓮宮號法華歸去緣知添嫩竹到來猶記裹新茶

真慎還玄墓寺

諸徒祝髮總嘻嘻正是山門復盛時預約舊游須再到好磨蒼壁待題詩

文鄂住文殊寺

文殊蘭若今何在說在陽山箭闕傍入定不知風雨過白龍應

向鉢中藏

戒香歸洞庭福源寺

扁舟何處發遠自北都還若住人間世無如湖上山孤雲仍兩角此地少三斑橘柚能供稅秋深便掩關

為文宗儒題鉤勒竹

碧玉參差望若空高枝疑在月明中百年寫法今如許為憶君家石室翁

為王古直題畫寄其鄉郭筠心

赤城霞氣映柴關筠石翛然屋數間堆案有書誰共較過門惟許謙方山

送宗儒

南望瑯琊尚鬱然山林重結半生緣未論幽谷能量馬更話清

池有醜泉上邑多年懷異政古官今日荷新遷秋來海月菴中意莫忘持盃坐短筵

補送呂秉之大傑

典客南行荷美除皆山忽憶記環滁政成有地真堪牧詩就臨溪尚可漁壽母頻供堂上饌故家長保篋中書相逢畫是青雲客科第誰從世祿餘

次韻詹事楊公過玉延亭畱題三首

退直從容下木天楊雄多病喜新痊楣間舊墨分明在秋雨頻經洗更妍

高軒重過晚涼天詩癖秋來獨未痊試為續題誰得似屋梁明月共清妍

槐亭缺處見青天仰誦新詩百病痊秋色解人畱款意小紅疎

翠故妖妍

送林同知仲璧赴官惠州

燕都纔識面浙郡久知名合與方州去仍為半刺行涼風雙旆
遠積水一舟輕欲訪東坡事緣知待政成

送楊君謙

子有好學名得之直從幼矻矻忘其疲每以夜為晝誰令不自
愛坐與簡編鬪旋致心腹間有病見脉候鄉人嘗謂子文筆真
似舅欽謨舅也昔養痾亦在掇科後七日儀部官在告月且又
服藥未見功具疏遂入奏昨朝獲俞音顏面喜欲皺西風作新
寒南去不可逗相過一何疎相別一何驟子去固欣然孰與箴
老繆惟子有書癖舍書莫能救譬如病酒人戒飲貌愈瘦何如
稍飲之病去漸復舊子病偶類茲簡編實醇酎茹多仍吐之紙

上發奇秀三年當復來觀子所成就

為都元敬題春山讀易圖

山中春雨過嘉樹如新沐鳥語時復聞惟聞磬聲續對此一欣
然孤懷浩無欲便携童冠人詠歸效沂浴歸來亦何事妙意溢
春服寤寐義文間手持一編讀倦倦濟時心願言均發育

謁陵宿昌平學舍

閉門無事謝諸生西舍支牀睡未成樹老不禁風勢急山高空
負月華明連槽疲馬時相嚙隔屋群雞忽亂鳴安得故人來此
宿壁間持燭共題名

還宿學舍

夜深踏月到孤城塵土衣裳一振輕諫議祠空凡再宿廣文官
冷又前迎思家不覺心旌動紀事誰將腹藁呈肯信身逢長至

灑

節三年南望是神京

次韻答陳粹之憲副病中見寄

時粹之分巡貴州都夕有黑苗之警

游宦西南久挈家故居回望隔京華
下牀倚杖憑醫藥把筆題詩散墨花
捷報擬聞收狔狁窮搜還見放蚺蛇
祝良定有單車在歸路應循舊轍斜

秋夜餞李貞伯取唐人詩各拈三字為韻三首

光動疎林月似沉小園畱客坐墻陰
尊中賸有江南酒拚唱離歌到夜深

灣頭一月繫方舟闕下二年續舊游
昨日林亭看寫照渾然詩骨映清秋

骨映清秋

常見揮毫滿鳳池未應白首在畱司
贈公選用詩人語

天子于今念所毗

嚴布政輓章

繡衣王牧重分司憶昔公來提學時
淺薄空慚當日獎高明未許後生知
省中幾處揚風采闕下頻年候羽儀
萬里蒲陽南望拜墓門春盡草離離

郭僉事輓章

自古皆有死何人能免之病來仍服藥
尚冀延少時病甚不能起猶遺生者悲
何況不以病悲亦從可知郭公官外臺
精勤多設施風采振列郡聲名出分司
往來江湖上官事有程期豈是馮河者
輕身忘險危傷哉俄須間遂與此世辭
楚水向東去千古從湘纍湘纍乃自沉
試誦懷沙詞惟昔識公面尚記來京師
骨氣頗亦寒或云數宜奇斯言遂偶中
相術能無疑不弔乃于彼託音聊在茲

鮑翁家藏集卷第十五

詩三十一首

丁未春試畢送吳中四進士歸省

毛珵貞甫

春榜名高第幾行自誇毛義出吾鄉
班聯玉陛通朝籍政試銀
臺挾奏章新製衣冠歸故里近將舟楫倚廻塘
君恩浩蕩應
難忘仰見門前進士坊

陸完全卿

鄉書高薦赴南宮又見名題甲榜中
王弼易編真有得陸機文
賦早偏工身辭霄漢天門近宅傍江湖水路通却藉
君恩為
母壽綵衣頻着舞春風

楊錦尚綱



禮闈曾忝校文章筆勢如流欲擅場已向天門看放榜忽傳
恩詔許還鄉畫船得意春風順綵服承顏白日長為語時人莫
相羨晏嬰心不在揚揚

吳璿汝礪

遠承 恩詔許還鄉親誰似高堂具慶人遠去不勞東道主暫留
真作北都賓賢科始覺文章貴仕版高題姓字新總道故鄉風
物好壯年為國在經綸

次韻任太常過園居四首

暑氣鬱蒸知懶出肩輿只許到寒家元脩席上能供菜康節車
前慣看花尊酒長空非北海冊書相對是南華醉鄉不識茫茫
路始信吾生亦有涯
出土尚嫌瓜蔓短灌畦方愛井泉深門前有客馬常繫牆外誰

天

居

居

家屋俯臨未必市朝生俗狀只應魚鳥識閒心好山移得聊相
款階石纍纍總碧岑

卓午風來特地清槐花落處入簷輕高荷久待蓮生子香草不
甘梅是兄倒屣出迎翻失禮解衣畱坐更忘情玉延自是吾家
物欲學盧公也爛烹

休笑吳儂故態狂小園日涉步能量閒憑却愛琴徽冷連飲惟
誇茗碗香何日歸田成老嬾終年學圃覺清忙乘涼莫惜重相
過只待籬邊雨一場

送趙栗夫歸省

生當全盛時仍遇至樂事豈因掇高科不在登貴仕故園寄吳
江游釣舊為戲別來餘七年往往入夢寐家有大父母八表行
且至手題數行書昨者附鄉使書云吾棗矣久望汝歸侍汝父

毋猶壯歸日尚可遲老人風中燭此語真善譬此意豈不知此
願獨不遂 明主勤萬幾曠職做有位故緩歸省期俾盡匪
懈義而況宵旰間切切在法吏私情苦難伸如繫千里驥遙望
天之南安得插雙翅終焉舜文心天下以孝治一朝 恩詔頒
跪聽殊足慰又如驥欲奔始脫銜與轡匆匆治行裝舊館視若
弃載感 明主恩仍給道里費長河引輕舟連日風更利鱸
鄉適新秋水芳散荷艾日出垂虹橋駢肩看乘駟登堂問起居
稱壽先舉觴此髻者吾兒彼冠者汝季各令向前拜起立亦以
次鄰里爭入門感歎共驚異斑白映錦衣三世一堂備此樂難
具陳盡出 上所賜努力在他年圖報端可冀

次韻任太常雨中見寄

矮屋哦詩發長噫前債未償仍後債園中雨急水暴增滿地江

湖失疆界敗墻欲壓走避之早受鄒軻知命戒只今一雨八月
餘小犬隔籬應吠怪簷角俄驚瀑布流槐梢不見虫絲絳恍然
置我吳淞間拍岸風濤殊澎湃此時此意屬何人只許王延亭
主解天公聊作小兒嬉來獨何遲去何快晚涼芳草徧池塘一
躍青蛙亦嫌隘寒裳行水過萊畦短杖臨流自疏殺狂風拔樹
隔東鄰却笑呼童氣全憊

對雨

清池水長欲平橋雨勢渾如上晚潮泛泛漸於亭礎近淙淙真
是算泉遙即看竝浴鵝群戲却恐新生魚子漂東望菱濠歸去
好吳儂家有木蘭橈

送侯主事歸省

聖皇崇至德

文母上徽稱有詔恩斯洽先朝例可徵下臣

如挾纊中抱切臨冰覆奏命音得傳聞孝道與嚴闈辭舊任散
秩荷新陞起舞衣裁錦頒來誥織綾飯香收早稻水落薦鮮菱
住占江湖景吟成月露形刑疑應久待路轉孰先登六月南溟
息風回看大鵬

哀張兼素

當年南去共傷神雪騎冰梁萬里人折檻已回 明主意賜
環能愛小臣身忠賢慷慨常相契情事蹉跎獨未伸七載心知
從此絕豈緣同榜失相親

哀袁德純

對客方談治邑才出門俄送訃音來久知憲節從家過肯信喪
車並海回直氣未舒空奏牘高懷無間使啣杯傷哉失却青雲
器孤寡孳然更可哀

送彭教諭道赴長洲學先任吳縣學

遠為鄉邦賀得師扁舟南去莫遲遲還從蘇郡更新學重見胡
公舉舊規難弟追思如昨日諸生相候已多時清門久忝斯文
契贈別安能惜賦詩

雨後答邵文敬

急雨過荒園似向城西去豐草覆清池涼風起高樹中懷適欣
欣入手得佳句累日苦炎蒸翛然在何處

送琴士楊雲翰還吳

落木蕭蕭墜客衣青天獨鴈向南飛登高偏覽皇都壯話舊常
將旅食遠卷滿雲煙停綵筆堂虛風露冷金徽鬱林石近婁江
水應為臨流作釣磯

送夏司封崇文

親

蕭然客舍洛陽城曉拂塵埃識賈生夜半未承宣室召秋深重
作秣陵行畱司今日渾無事言路何人獨有名知是篋中藏舊
笏諸孫應不愧玄成

謁狄梁公廟 在昌平縣西

遠從唐室見賢豪殿上香煙映赭袍入夜不憂虓虎噬向晨休
報札雞號庭空樹瘦憑誰剖沙滿溪毛欲自薶讀罷碑文出門
去史家餘論范公高

謁耶律丞相墓 在瓮山下前有石象鬚分二線其長過膝真異人也

角端人語大兵還惟幄功高掩伯顏身託中原只杯土神歸朔
漠自重關僧伽香火青松盛翁仲風霜白石頑遺象儼然驚歎
久一間空屋倚西山

奉送

孝穆慈慧皇后梓宮遷葬茂陵 十二月七日

列騎隨龍輜分官送梓宮戒塗惟吉日繞駕總悲風鉤弋名殊
久軒轅象極崇橋山遷葬地隊道定相通

奉送

憲宗純皇帝梓宮出德勝門 十二日

風急揚沙礫皇皇出北門吞聲猶未哭眯目已先昏耕鑿伊誰
力登庸本 聖恩晚來龍馭遠雲去崑湖存

次韻任太常致仕畱別五首

歸去如公未當貧清溪碧嶂自為鄰地偏易覺柴門晚室煖先
知布被春書為長觀成故紙衣從新浴少浮塵集雲山下吾廬
在得向今朝置此身

此身真喜置吾廬尚有牀頭一束書海口潮生知進退天心月

到識盈虛已辭朝士誰通訊欲就漁翁更卜居百里好山俱在
眼只教童子導籃輿

籃輿朝出看山初懶學陶潛去荷鉏新法不行誰執拗舊書無
用是潛虛俗人自詫才名盛老態終嫌禮法疎三月柴門無客
到日高閒把白頭梳

濯足梳頭舊有緣更教午睡學坡僊一身自足三間屋百歲誰
增半畝田遇壑便回憂險地看雲高坐愛晴天朝鷄官馬俱無
用贏得工夫是晏眠
晏眠不覺過殘冬枕上哦詩做鮑溶猶喜形骸從小隱肯將名
姓入斜封日中塵滿坐為市樹底陰多獨課農應笑丁公偏差
異夜深腹上夢生松

送趙武靖西征

火雲六月燒長空曠野旌旗相間紅王師未度盧溝水先聲已
撼燕然峰大將臂彎明月弓錦袍銀甲豪且雄前年一箭定兩
廣去年疋馬平遼東四夷矍若在眼底不知何物為西戎西戎
跳舞真狂童此輩置之譚笑中飛芻輓粟走千里到日且欲蘇
疲癯利兵堅甲何足說自有十萬藏吾胸黃河東偏結巢穴聽
鼠五技依然窮沙場半夜無馬蹟捷書曉入明光宮此行本為
報天子豈意子孫皆上公史臣載筆鸞坡下願紀周宣薄
伐功

題赤壁圖

江流東繞千尺堤山鷗上結危巢棲游人夜半放舟過舉酒試
說曹征西征西當年下江滸八十萬軍盡貔虎眼中見慣劉琮
徒吳蜀區區何足數舳艫相銜千里連氣吞劉備兼孫權豈知

策士已旁笑笑彼遠來非萬全長江之險人能共不獨阿瞞兵
可弄東吳會獵尺書馳權也難將首親送帳底拔刀軍令行如
此奸雄安足驚周瑜早已借前箸黃蓋何曾論五兵五兵爭如
一炬火北軍敗走南軍坐紛紛燥荻與枯柴乘取便風纜十舸
波濤起立半天紅強虜灰飛一夕空平生親手註孫子未信水
軍能火攻誰云此行纔足耻更聞裹瘡歸清水玄武池頭計已
踈銅爵高臺聊自起當今四海如一家三國爭雄真可嗟尚想
綸巾巡壘堞猶將折戟洗泥沙武昌夏口東西路畫史分明入
毫素空餘赤壁付游人羸得坡僊兩篇賦

分韻得老字壽楊詹事六十

當代文章伯致身何太早長趨白玉墀獨立紅雲島逍遙館閣
間屢見書上考試問今行年六十不稱老就云進獨難看髮全

未皓眉詹叟舉步前路到師保平生胸腹中所有希世寶
時吐之把玩驚浩浩藉之千金篋當彼五色纈持以示世人片
語莫能造常恨群經殘矻矻肆探討紛然註疏家舊說欲一掃
其間孔壁文尤謂顛且倒旁牽與後綴務使句完好遂令伏生
徒口授初具藁我願天扶公精力免枯槁長留人間世立論自
義皞書此以壽公餘事無足道

劉文安公輓章

裕陵初策士高步入詞林科第前無幾聲華直至今唐人當陸
贄漢代失劉歆碧海瀛洲遠青藜夜閣深義經千古學宋論一
生心制虜無三表匡君有六箴紫垣初秉筆白髮未盈簪自
負心如水曾期汝作霖瘁躬方几几盛世已駸駸俄作前楹夢
難將惡石鉞禮官公謚議士類雜哀吟墓有新題石家餘舊賜

金斯文成落莫吾道付浮沉後輩夫何恃先民最所欽玉堂嘉
話在談者欲沾襟

匏翁家藏集卷第十六

詩三十一首

戊申燕九日

正月十九為元長春丘真
人生辰京師人為會甚盛

京師勝日稱燕九少年盡向城西走白雲觀前作大會射箭擊
毬人馬吼古祠北與學宮依簫鼓不來牲醴稀如何義士文履
善不及道人丘處機

次韻徐仲山上元夜過飲

坐闕年華復看燈故人今夜喜新增頰呵凍筆冰花少緩酌深
杯酒面澄身在社中應我老名揚海內更誰勿每逢今節成清
會只恐豪門總不曾

次韻文宗儒上元夜飲歸

佳節相邀入醉鄉夜深誰肯宿茅堂高懸應恨油燈暗細嚼聊



供粉餌香即席從容移筆研出門顛倒執衣裳何時更慰清寒
苦一舉仍須累十觴

送董尚矩使朝鮮

聖主新登寶位高儒臣寧肯歎賢勞 天朝雨露隨黃紙海國
雲霞映錦袍周室受封箕子遠漢廷陳策董生豪史編有待歸
無緩憑仗春風送節旄

送王漢英給事充副使

高步黃扉見俊人使輶 恩詔勅青春關門緩度風霜少島嶼
遙瞻日月新歲久禮儀存制作路長民俗待咨詢百年候吏前
驅慣鴨綠江頭不問津

送劉景元使安南

元年新建總麒麟 詔下恩光及遠夷劉向暫辭天祿閣王褒

職官

空拜碧鷄祠 離筵有酒杯重覆歸路無金棗可垂應向交人談
聖德越裳白雉謾云奇

送呂丕文給事充副使

賜衣新着歎光華畫舫春風散鼓笳天上詔書頒以域浙東科
第出名家 朝廷正闢求言路給事初 使槎不是相如還
蜀日前驅誰向里人誇

彭祖觀井圖

賈客適江海洪濤渺無津忽焉颶風作舟楫竟漂淪蜚叟川上
浴何殊白鷗馴寧知有飢鰥俟汝水之濱履危信多險處坦終
無屯所以下堂戒名言推子春鬱然大樹下誰寫彭祖真飄蕭
白鬚髮千年貌如新草間者培井蛙股諒可伸保身乃至此壽
合希莊椿古人不可作故事從誰論此老飲水活應仗汲井人

且彼欲往觀人當置車輪中心宜休惕豈徒保吾身聊成一轉語圖書固有因茲事有與無不須吾重陳紛紛奉遺體足以驚凡民

次韻顏澄之與文宗儒同游香山

香山西望亂雲橫冒冷能騎瘦馬行只許兩人同一笑如從九老話三生泉多細品煎茶味林密微聞伐木聲應訝金闈通籍者朝衣清早入皇城

清明謁陵值雨留昌平學舍

朝來好雨偏春城疋馬誰憂阻去程陵墓百年神屢降籍田三日禮初成崇桃積李詩家景綠野青山畫障情學舍高眠無一事又題祠壁記清明

次韻楊侍郎吏部後園看花二首

兩脚前朝信似麻馮闌物色偏京華要知吏部庭中樹不放平章宅裏花

大手年來罷草麻揮毫重喜近文華公門桃李今如許總被春風盡着花

觀耕籍田

春郊風動綵旗新快覩黃衣是聖人盛禮肇行非自漢古詩猶在宛如函朝臣共助三推止野樂全勝九奏頻稼穡先知端可賀粢盛不獨備明禋

初開經筵

蓬萊晴旭照璇題衛士成行陞楯齊朱戶洞開通上下緋衣列侍隔東西報經訓志臣恭盡負宸虛心聖敬躋淺薄不堪叨盛事愧將周賚手親携

答濟之約游西山不赴

西山佳處約同登舊學登山法頗能莫笑曉來風雨阻臥游詩句也堪謔

再答

蘇門長嘯說孫登小技平生亦慣能卅後山行難再約史書堆案要抄謔

三答

詩家山路說登登風雨蕭蕭便不能若說累年詩券起字多須用倩人謔

與葉翁游小南城

長街塵土日隨人不見青青草色新北闕嵯峨暇日南城迢遞故尋春寺僧供茗當為忝野老擔花勝賣薪欲訪遼金舊時

事百年何處有遺民

送潘栗夫憲副陝西提學

嗟我同年友多分臬事清衣如內臺製簪向法冠橫乘傳非無例書銓孰有名紛紛來蜀道往往說潘卿萬里驅馳地三年報稱情心勞隨使節蹟遠涉羌城子產游鄉校文翁載史評士風從此盛公議自然明啓事山濤具詞頭賈至行趨朝逢異數遷秩荷殊榮新政頒應滿高官界不輕人才工造就仕路厭將迎有待文班接重看學政成憑誰到西陝先為賀諸生

送徐季止

邇從吳門至起蹟南宮坊儒冠滿塵土京國初觀光早年富文學下視舉子塲蹉跎乃至此宿志猶未償遠來亦堪喜有兄官職方一見季氏面歡然態如狂秉燭屢相對頗怪夢寐長紛紛

同來客寢食各有妨獨於下馬日曾不殊家常有姪已進飯有
僕爭施牀試言仲氏意遲子葺高房青山映金闕西戶正相當
引子數共登把酒還自嘗嗟我忝交契累在尊俎傷感此友于
樂鬱悶隱中腸已異內廷試復治南雍裝天風滿窳廓仰望孤
鴻翔上林多嘉樹回翅期成行

送賀御史出守蘇州

吳民方切九重憂祖道休將五馬留朝著久稱才御史封疆還
屬古諸侯香凝燕寢韋郎詠舟過花橋白傅游我忝郡人無以
頌擬叨循吏傳重修

送西指揮分守汀漳

坐却東夷二十年平生文事欲兼全兵曹屢薦聲名久海道送
分號令專玉帳清風開筆陣水犀波靜艤戈船班超自有封侯

武

相寵詔重期萬里傳

為周郎中公瑞題觀蓮圖

玉井蓮開花十丈此事詩家徒自詎何處池頭有此花分明蜀
錦裁成障清波渺渺波洋洋水榭人疑坐天上白羽風輕頻自
搖紅粧日出閒相向畫工作此待誰題意匠欲追崔子西平生
比德是君子耶溪不擬定濂溪濂溪舊有愛蓮說意見豈與埤
雅齊溪流一派接雙井雲孫早躡青雲梯公瑞雙井人

送原已還南京分依字韻

溽暑猶未退頗覺槐陰稀棲燕久相識鳴蜩靜還飛昨者冒江
雨遠來自京畿重念交親意時時款我扉晚涼理舊話海月流
清輝西堂設臥榻夜永風寒幃惟子官醫院績美誰能議入朝
復陛見只尺瞻天威銓曹已書最旅舍仍言歸諒亦戀老拙

所重定省違幸哉被封典恩光照庭闈白頭自足樂無勞製班
衣行旌向晚動酒盡情依依

中秋夜登仲山新樓賞月

天街東來喜橫亘夜靜無塵斷車乘青天故遣月娛人特為中
秋光轉瑩昔人徒訝一分虧此物始知千里徑團團餅餌家家
如矮屋仰觀殊不稱望裏撐空木最高上施平板還加釘已好
樓居仍好客主人引我凌飛塔解衣褫帶重延留案上珍腴已
先飭須臾衆客報齊來一笑頓忘腰折磬庾公故事擬重修亦
復平生無淺興少焉月轉簷楹間起傍朱闌時一凭俯觀南死
白茫茫素練平鋪目難瞑中山地近免毫分巨海波浮蚌胎孕
舉瓢便可酌河潢着屐那能絕泥濘椽筆誰將華榜題茲樓只
合名超勝置身如在太湖心萬斛龍驤初下石端愁波浪欲掀

翻為語諸公宜坐定群童獻技舞且歌鳳腹空空四絃絀我方
沾醉陶陶然新調疑從夢中聽夜深同露忽淒涼高處不勝寒
起脛主人勸飲意何濃美酒如泉瓶未罄底須隔屋問西鄰走
送茶瓜勞僕媵明年未省在誰家鄉社佳期當預訂言方脫口
客已聞吐酒闌然爭出應我家海月舊傳名菴外清光長有賸
王猷隔巷每共之今者安知非我贈戲言若大却非誇薄意頗
誠真不佞小園雖說乏樓居早向幽亭設長凳杜老還教徑掃
花范家莫道塵生甃諸公倘許過高軒就煩執此詩為證

為陳明之題墨梅

溪藤百尺餘慘慘顏色變遂令塵埃中難識冰雪面秋陽射疎
窗晨起偶開卷妙手非補之歷歷花可辨橫柯彎且直老幹直
不顧天寒北風高滿眼集玄霰

為顧崇善題松溪高士圖

尉裏丹青能變化昔者愷之真善畫依然靈物屬雲霧仍見生
綃堂上挂煙霧溟濛曉不開長松臨礪何年栽急流噴薄崖石
動白晝歛爾生風雷望中秀色參天起漱滌孤根從礪水何物
離離徑寸莖自信山苗難在此高人獨立意如何想見清暉入
腹多支礪山下寒泉側為憶深林拄杖過

為李賓之題趙大年雪景

故縑斷裂如刻鏤上有雪圖世稀有墨痕隱隱題名存孰視始
知元祐手疊嶂崇巒失翠微高原淡淡留斜暉歲云暮矣北風
急樵舍漁莊俱掩扉疎林寂歷寒雅返意中不覺西涯遠海子
橋西柳巷深歌馬何時步魚堰

為陸全卿題劉松年香山九老圖

高松大竹生翠寒密林隱隱攢峰巒杳然流水出深谷新鑿山
中八節灘江州司馬不愛官笑領諸客來盤桓棋枰詩卷各有
適適意豈在陳杯盤酒酣耳熱忽起舞戲折名花斜插冠趨朝
疲蕭足非病在野輕健心偏安權門赫赫誇牛李門下黨人分
彼此直氣騰騰逼石樓甘作香山老居士劉侯此圖超俗塵能
與九老俱傳神衣冠雖作山林樣狀貌終為臺閣人孰為胡杲
與吉叟孰為鄭據并劉真一盧張狄總預集居士樂易皆相親
獨憐舊友今何處禹錫微之嗟失身

初謁茂陵

玉冊金根闕潤阿高陵初謁淚滂沱九天載觀星辰近萬木長
哀風雨多豈有衣冠游道路何曾寢殿貯嬪娥昂湖瞻望嗟無
及空抱烏號夜渡河

史館歲暮書與滄姪和之

高館冰生硯沼堅盈箱公案總陳年法家有事多成獄史學無能強入編戶外龍文雲氣滿殿頭鴟吻日華鮮殘冬坐此嗟何補寂寞全勝著太玄

匏翁家藏集卷第十七

詩六十一首

李賓之以問白髭并代髭答二首見示予髭偶如故而鬚已多白因次其韻亦為問答

問白鬚

早年曾咎汝頗憶為文時忽焉白滿把次第行及髭衰老固宜爾此理奚待思但恐緣我咎報復未可知嗟汝今且白白盡何能為及髭更連鬚延蔓還至誰有言試述答靜聽當支頤

代白鬚答

額下澌澌如美哉映眉髮倩眇未足誇於我或有缺此闕偶蒙幸彼婦徒稱哲又喜得子依過眼豈云瞥子今自衰老感愴何忽忽白也我既宜豈好為容悅置之勿復言處世口須訥



再問

與汝少相處到今幾何時汝白胡獨早不及徑寸昆山苗映澗
松物類偶有思草薙誠不忍念汝惟故知買藥強塗染此事吾
肯為獨憐相處日後去當訊誰真能成我老愛護均雙願

再代答

先人有所遺身體及膚髮而我處其間微細亦罔缺人生有脩
短何曾判愚哲惟道或有虧千歲等一瞥子尚忘久要於道能
不忽彼髭既如故撚弄自堪悅吾舌雖已亡臆對猶不吶

清明日園中見杏花初開

疎花寂歷似殘紅病眼摩挲望欲空已恨滄開無細雨却愁吹
落有狂風物華又報清明節人世真成白髮翁為語天工須索
性剩將春色慰人濃

懷林亭大謝鳴治謁陵遇風

天外狂風盡日吹朝陵有客正驅馳冥冥花樹春難見颯颯塵
沙晚更隨官馬不愁迷古轍奚奴應恨挈新詩歸來尚可誇僚
友沾濕猶勝冒雨時

謝安游東山圖

東山高臥如龍蟠天下蒼生望謝安徵書再下翻然起五十不
妨初作官征西將軍姓桓者致我胡為居幕下新亭狎視猶小
兒流汗何人面如赭北兵百萬次淮淝別墅與客方圍碁捷書
已至未終局江上阿玄班我師高懷磊落多長技誰識向來游
戲事後世風流強慕之登山也復携歌妓

喜儲靜夫考功自南京至

與子三年別長存耿耿思偶來今日雨又屬暮春時風度看逾

好功名喜未遲吏曹能自署應不數光義

哀原已

濃霜夜墮菊田荒不及根同蔓草長顧影共悲遺二老斂形偏
恨比三殤術畱醫案真餘事名列詩家已大方親友凋零懷抱
惡臨風惟有淚成行

哀鼎儀

海濱歸臥歲華新靜裏焚香獨養神病勢已除知更健計音俄
到冀非真不將文字名當世豈為鄉邦惜此人路接婁江嗟後
死他年誰與共垂綸

午朝次韻鳴治

衛士成行總面東朱門傳蹕靜如空高飛海燕紅雲近煖入宮
花白日中華蓋逼時瞻北極衫衣垂處詠南風銀臺奏罷諸司

事盱食多勞念

聖躬

過葉翁看牡丹

吳下移根已甚難七年纔得兩枝看開時况被薰風急種法還
教宿土乾却愛陶盆當石砌未誇華屋薦金盤主人笑對成佳
兆記取花名是壽安

和陸廉伯書寢次老杜韻

杜老當時句宛然况逢四月稱高眠綠池芳草紛紛積白日游
絲冉冉牽史館何人仍儼直睡鄉無事莫開邊爐熏已冷茶煙
起自笑閒官可質錢

早起次前韻寄廉伯

月黑頻將蠟炬然翻因夜短不成眠趨朝何補君恩渥出
舍聊從吏役牽馬秣未看騰櫪上雞栖誰聽語埒邊江南一枕

無殘夢欲向司農謝俸錢

和廉伯復次前韻斷夜坐

衰年視物更茫然日落尋常索枕眠久坐誰言纔斷絕細吟翻
喜忽聯牽薰風作暑如初伏海月生明又半邊却恨連墻稀
集挑燈那送酒家錢

懷王允達不至

翛然風雨作深秋何處江行定泊舟詔下數行曾遠召書來前
月已親收官河淺澁知難進仕路清閒好竝游猶有舊時高榻
在掃塵還擬重延留

次韻陳一夔冒雨見過二首

黃醪醖花已狼籍春去荒園空復游芳草池塘猶可詠石庭風
雨故相留萍葦繫馬當門扇對面開尊酒籌因話閒時真未

得一時須爲散新愁

獨衝風雨東街口日暮相過意亦奇橋上醉眠成故事席間高
詠得新詩曲闌循徑行須徧矮屋橫舟坐不危滿目濕雲生
色請君休信是晴時

待李世賢同游西山未至

隱隱雲初散匆匆日又斜門前方繫馬厨下預烹茶已幸能成
約胡爲復戀家莫將行樂事終付別人誇

晚至湖上

到湖疑路盡忽復轉林塘雨後添泉脉雲中漏日光新蒲仍自
綠怪柳不成行欲唱吳歌去憑誰覓野航

宿功德寺航公房

山下禪堂向晚登扶筇一笑有盧能飯餘蔬筍收齋鉢供雜香

花映佛燈漢闕乍違同野吏吳音無改盡鄉僧蒲團睡穩回清
夢風雨蕭蕭撼古藤

飲玉泉二首

龍唇歎薄淨無腥純浸西南萬疊青地底洞名疑小有江南泉
品類中冷御厨絡繹馳銀甕僧寺分明枕玉屏曾是

宣皇臨幸處游人誰復上高亭

垂虹名在壯神都玄酒為池不用沽終日無雲成霧雨下流隨
地作江湖坐臨且脫登山屐汲飲重修調水符渴吻正須清冷
好寺僧空自置茶爐

登華嚴洞

緣崖繚繞近青天十步回頭一竦然但覺群峰俱在下忽臨空
洞更無前二年桓擲堅誰繫半夜莊舟重莫牽便借石牀逃酷

暑白雲為幕稱高眠

還至湖上

湖上尋歸路行行背落暉青山嫌客去白鳥背人飛不覺過泉
牕空勞帶雨衣江南如夢醒仍見水田肥

答廉伯以游西山負約

晚騎羸馬傍湖陰影落澄波數尺深衆樂固知勝獨樂豪吟長
恐壓微吟清高已向金門隱老大其如白髮侵莫道鄰居難見
面閒忙須信不同心

聞友人食河豚病發而卒

惟子稟素弱有病常纏身遂能通醫方數與藥裹親衆醫每謝
卻自謂識病真體中苦多熟食尤忌諸辛至如所飲酒惟愛淡
與淳以吳投藥麩未肯一沾唇往為風所中治療累踰旬恐終

誤朝謁歸臥異江濱一朝有信至奄忽形離神固知病再作不知作何因嗟哉河豚魚未足充八珍古人譬莫邪信矣能殺人烹調雖云善發病莫與倫奈何甘此毒既死目須瞋脯作子美禍冰為聖俞屯二物尚可食所惡魚無鱗重價爭買致聚食當初春匪直悼吾友亦惟戒吳民

送沈元中知餘干父嘗任刑部

南去意何如雲霄舉足初文名從甲榜宦業有刑書北闕須通籍西江且下車當令遺愛滿不止白公渠

贈僧瘦岡住吳城寶幢寺

古院清如許高岡瘦若何不須居十刹初喜附雙峨窗滿霜餘柿庭深雨後莎法筵揮塵處先為敵詩魔

芙蓉紫菊圖

芙蓉數枝嬌且新宛然
麗人逢水濱靚粧緩步不動塵曉氣清
露沾朱唇菊花意態淡
可親老圃秋來初卜鄰其間顏色或不
真却立恐遭石丈嗔江
州刺史送酒頻餘瀝豈緣能醉人眼中
紅紫紛前陳洛陽何須詫
青春室空未覺詩家貧吐哉二妙誰
傳神

為陳副使寓西園畫

深林有隙地似與高人謀屋宇四五間豁然對溪流群山傾如赴白雲出誰收屋中亦何有琴書足銷憂玩之以終老隱志於焉求憲史富清譽中懷慕前脩山林有宿好橫圖擊同游不惜持示我我意殊相投涼風報秋信高興歸滄洲

園居六詠

海月菴

雲浪推來白玉盤坐深良夜不勝寒
茅檐已盡平生興何處蓬萊閣上看

玉延亭

薯蕷年來物種成
榴間有客便題名
憑誰為報坡翁道
我亦能烹玉糝羹

春草池

自笑溝如丈八強
兒童莫漫種魚秧
謝家詩句空成夢
此夜依然春草長

醉眠橋

陶翁逐客向樽前
醉後高眠任自然
嗟我作橋容客醉
不妨醒眼看高眠

冷澹泉

似嚼清冰木下鹽
天然滋味此能兼
隱之日飲分餘
瀝世不與夫能使廉

養鶴園

吳下杜陵一束來
綢繆牖戶却常開
雲霄伴侶休相訝
不是虞人曾鳥媒

為吳吉士克溫題東坡墨竹

倦寫竹如作書筆
底溢山書之餘書
形譬石壓蟾蜍俗
人不稱墨豬古來
書畫同一法使彼
見此當軒渠密葉
澱澱何所如臥蠶
首不舒濃霜塗幹
外筠厚香粉浥節
中心虛平生豈以
文翁方逝歟雨晴
把玩敞吾廬清風
習習搖瓊瑤

送文宗儒還滁

京尹免臺參寺版題名也自堪公事共知心獨盡直言曾
上面無慚績書駮牝才名出家寄瑯琊秀色含篇熟却憐分手
去園亭何日重高談

賀秦脩敬八十

扁舟憶泊錫山東十載丰神夢寐中巢父釣竿隨海霧陶僊笙
樂坐松風 朝廷錫誥還因子鄉社評詩合讓公第一泉甘真
可釀百杯春酒莫教空

送白侍郎還南京分闕字韻

都城作澤雨連屬從暑月墊溺及四郊高丘抵深屈大臣抱憂
思時事切於骨解宇雖少安中夜心兀兀惟昔官訥言衣職常
補闕至今存奏疏忠謹莫湮沒此來實稱賀沾濡屢謝謁
明主勤萬幾常時常屹屹已聞發倉廩豈但謹刑罰有詔戒群

工名實期綜核兵曹為卿亞留務不可忽衆賢方滿朝獻
免越陛辭沐嘉眷朱服映象笏平生盡瘁心官簿積功闕涼氣
生新秋方舟待明發召還當不選臣節益以竭

次韻答費昭齋二首

進講軻書到七篇每瞻紅日海東邊 恩承漢代慚何補學擬
商賢恐未然天遠冥鴻空慕弋路長疲馬只垂鞭卜鄰定向東
城下對面須將隱訣傳

杜陵休自託狂夫肥遯中園不改圖應笑蒼蠅隨驥尾誰將腐
鼠飼鷓鴣晴雲出岫無心計流水當門隔步趨猶有詩編題四
興平生功業豈全無

題石田古松圖謝周月窗治陳宜人病

籠中采掇皆良藥用之不當翻為虐京國名醫不乏人一日城

南逢扁鵲人言用藥如用兵須憑指下難踰度急攻緩補隨所
施信是胸中有方略沉痾脫去不言功但使危憂變安樂月窗
妙術真通靈妙處自得非醫經金門不肯受官職野服只愛居
林垆惠山山下高松樹願比此樹長青青漱泉飡雪仍產藥上
有兔絲下茯苓世人抱病爭取給熙然黃髮同千齡

重九無菊

佳節喜載臨藉有杯中綠如何籬落間獨少數枝菊遙遙小南
城異品應滿目野人不好事移送何不速無酒人但醒無菊人
尤俗我與陶淵明事事相反覆俗病惟自知客醉解書宿淵明
祇欲眠往往客遭逐黃花有時衰一賞已自足歲晏色青青墻
陰自脩竹

次韻賓之重九值雨獨坐

懷麓堂前樹蕭蕭感暮秋閉門逢節序落帽想風流空負此時
酒閒登何處樓不須論雨識四野少禾頭

是日甲子

次韻鳴治對菊

曉園移送帶煙霏看處詩成韻屢依來使相逢休更問娛人真
覺淡忘歸霜餘未落憐高節月下無言對冷菲誰識城東幽寂
者空庭疎雨獨沾衣

謝王主簿送菊

看菊曾為別墅游鄧村風露六年秋幽姿入眼猶黃面晚節驚
心易白頭已歎無錢空復對何妨有酒自相酬陟然籬落增顏
色更把重陽故事修

為齋姪題謝廷循畫二首

雲中疊嶂翠模糊深樹茅堂隱若無莫向昔人論畫口開窗即

對謝公圖 右春山圖

江湖極目渺無涯
蚌蛤隨潮上淺沙
剛口自甘濡沫老聒人偏恨是鳴蛙 右蚌蛤圖

題石田畫

麤毫濃墨信手寫長卷初開是誰者
溪泉山石斷復連亦着茅亭在林下
石翁足蹟只吳中意到自忘工
不平生所見亦不少但覺一幅無相同
偽作紛紛到京國欲以亂真翻費力
我方含笑人獨疑真蹟于今惟水裏
我觀此畫雖率然老氣勃勃生清妍
江湖欲尋具眼識須上米家書畫船

過西苑

松偃瓊臺不受塵
虹橋綽楔記通津
瀛洲水滿分裨海
靈囿垣長接禁宸
虎圈久關空獸簿
龍州稀泛靜魚綸
賞花未許陪游

幸誰美賡歌作宋臣

游海印寺次韻鳴治

北風初急避高垣
竹屋清寒且負暄
客喜抱琴仍送酒
僧忙掃地更開門
投閒易度人間世
擇勝真游海上村
飲後題詩多老氣
頽然翻覺醉翁尊

哭王允達二首

孤舟遙寄一身危
病骨秋深瘦莫支
二豎豈勞催死別
九原安忍問歸期
夜闌燭盡多新夢
歲暮書回少故知
為憶相從今廿載
誨言重領是何時

短札馳來病已危
牀頭筆力強撐支
兼程到此猶難見
萬事從今敢預期
徐穉力耕人自薦
王裒行孝世皆知
百年家學諸孤繼
看取遺編手校時

早起

啜啜雞三唱城居類遠村髮隨秋葉落日與曉燈昏對案仍呼
飯披衣又出門自憐衰朽物終歲謁天關

聞王古直至東鳴治

長安風雪值殘年又報王猷過關前塵土不沾京洛袂冰漸能
送浙江船平生蹤蹟知忙甚此老鬚眉想皓然賴有故人相慰
藉對牀呼酒夜燈懸

作鶴房

枯篁密葦作房櫬故遣僊禽宿此中曾見江南多鴨舍亦知吳
下有牛宮綢繆戶朝南日倚傍垣墉避北風莫笑乘軒如衛
懿苦寒須念雪園空

次韻沈啓南自治生壙見寄二首

射瀆西行水路斜細論形勢見隆窪宋儒尚作山陵議郭氏真
稱地理家親手銘文鐫白石鄰僧香火傍丹霞久知詩骨偏強
健曳杖何妨閱歲華

倚壙高歌對斷崖鄙人安得此襟懷門深拱木栽培徧山近浮
雲坐臥偕曾子啓予言不安莊生息我意終乖司空自有藏身
地不學劉伶說便埋

喜李貞伯生子

秣陵疎雨作秋涼賀客緣知總上堂奕葉相傳宜李氏通家有
喜是吳郎臺高又復看招鳳書好何曾寫弄麈萬卷舊藏應會
讀任渠嬉戲滿攤牀

遣悶

歲杪匆匆只五旬惡懷偏屬長年人幼兒嬉戲兩頑物老婦呻

吟一病身風急獨瞻烏止屋月明閒與鶴為鄰鄉書近報吳田
熟此夕愁眉稍覺伸

賦竹慶郭汝文五十

竹似賢昔日聞之白樂天樂天好竹好其德此語雖佳意未全
古來賢者必有壽吾於竹也蓋亦知其然所以風雨穿其雪
霜壓其肩空園寄傲不肯屈節操挺挺老愈堅吳門開壽域隱
者躋獨先堂上不合生此竹何人移入園中懸畫家竊取詩人
意以竹比德仍比年淞江之濱地宜此從今種滿數畝田削筠
必帶節斫榦當及篔簹可作冠榦可杖杖須入手冠須顛道遙
長醉竹葉酒掀髯一笑清風前

謝濟之送橘二首

得月亭邊碧樹攢及時摘實仗園官報君嘉惠如相稱須是聞

中荔子丹


黃紅錯落滿雕盤如見珊瑚間木難莫把糖囊名更改齒牙真
不帶清酸

西域賈胡以獅子入貢有詔却之次韻鳴治

萬里流沙奇獸去數行新詔滿朝歡須知此物真無益始信
為君亦不難盛世糞田曾却馬他人野鳥自稱鸞即看重譯皆
歸化敵國何方是契丹

次韻陳粹之謁先墓

歲暮寒風透布袍東門血淚灑平臯心穿泉壤三重固手挿松
楸數尺高北闕已承恩典重南山不動孝思牢顯親却在揚名
裏身退能招士論褒



家集卷五
三

書